



**IMPORTANT NOTE** 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

**Name of School** : CNEC Christian College

**學校名稱** : 中華傳道會安柱中學

**Name of Play 劇名** : 婚掙

**Script writer 劇作者** : 趙松昕、何雪琳 (學生)

**Synopsis 故事大綱 :**

當大家認為地球是平的，你提出它是圓，就會被人恥笑；當大家認為魚生應配芥末時，你選擇奶油，會被批評為浪費食物；當你堅持在水底進行婚禮時，大家只覺你在嘩眾取寵；當你用不尋常的手法處理事件，等待你的，只會是反對的聲音及質疑的目光，你，選擇堅持，還是妥協？



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

第一場：

（幕開，台中有一顆臺灣相思樹。老人家在忙亂中接過電話，聽後面色一沈，嘆了一口氣，定睛看著臺灣相思樹。

（燈轉）（女友人及年青公公步出）

女友人： 喂你睇吓，長高咗 0.35 厘米。

公(年青)： 咁少你都睇到？

女友人： （舉起手中間尺）肉眼梗係睇唔到啦，咁我有記低嚟嘛。係就唔似你啲頭髮生得咁快。（望向年青公公）咦，你啲頭髮都長咗好多喎，仲唔去剪？

公(年青)： 遲啲...一次過剪（頓）

女友人： 遲啲？你女朋友唔話你咩？

公(年青)： 佢話結婚前剪就得喇。

女友人： 嘩，咁你諗住留到幾時先剪呀？

公(年青)： 唔...年尾就剪。（望向女友人）我同媚媚決定咗年尾就結婚啦。

女友人： （呆了半晌）（堅強地說）最後...都要做人老公。咁...放咗工要交人嚟啦喎，以後就唔可以同我哋玩嚟。

公(年青)： 都係...

女友人： 你...

公(年青)： 你...

女友人： 遲啲做埋老竇，真係冇晒自由啦呵。

公(年青)： 冇諗咁遠..

女友人： 係呢，婚禮有咩要幫手，可以搵我喎。

公(年青)： 你嚟飲就得啦，其他嘢都係媚媚決定...

女友人： 咁又係嘅，又唔係我結婚。（頓）啊，都唔記得要恭喜你哋添。（伸出手）



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

公(年青)： (伸出手) 多謝你...你要保重啊。你都會搵到一個愛錫你嘅人㗎。

女友人： ……嗯

(燈熄)

第二場：

(燈著) (爸爸、公公、媽媽及弟弟上左車，準備去掃墓。)

爸爸： 邊個未扣好安全帶啊？

弟弟： 公公你又唔記得扣安全帶啦。(說畢把安全帶遞給公公)

媽媽： 阿爸，你有冇帶藥啊？

公公： (正在專心扣安全帶，沒有回答媽媽)

媽媽： 阿爸，阿爸... (見父親沒有回應，望向兒子) Hayden……

弟弟： 阿公，我又要奉命搜你身喇，(喃喃自語) 褸袋冇，pat pat 袋冇，

弟弟： (正想再伸手進其他褲袋時)

公公： 得啦，我有帶啊，唔好再攞啦。

爸爸： 媽咪，龍翔道塞車。

媽媽： 塞車？撞車啊？

爸爸： (專心地在手機上查閱新聞，看看相關資訊) 冇講嘞，唔行得龍翔道...

弟弟： 媽咪，我突然間好肚痛啊，比條鎖匙我吖。

媽媽： 塞車你仲去廁所？仲唔開車天黑前都去唔到呀。

爸爸： 我地行旺角應該... (邊說邊看著手機)

弟弟： 我忍唔到喇，比條鎖匙我啦。

公公： 阿冬冬呢？佢唔一齊？



**IMPORTANT NOTE** 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

媽媽：係喎，Anthea 搞咩咁耐唔嚟？

爸爸：媽咪，咁我地決定行旺角？

弟弟：媽咪比鎖匙我啦，快啲啦，我要擺尿袋呀。

媽媽：旺角會唔會都好塞啊？今日個個都去掃墓.....明知假期多人，

媽媽：啲人揸車就小心啲啦，搞到撞車。

姐姐：（正準備上車）細路，坐入去啦。

弟弟：比條鎖匙我，塞車我要尿袋啊。

姐姐：（手上鎖匙被弟弟搶去）塞車呀？咁不如我地遲啲先出發，唔通出去同人塞呀？

媽媽：（見弟弟奪門而出）Hayden 返嚟，要開車啦。（轉向姐）你做咩又比條鎖匙佢。

姐姐：爸爸，話我聽邊度塞車呀？

爸爸：龍翔道.....但係如果我地行旺角呢.....

媽媽：旺角唔一定會快啲，你查到塞車，其他人都會查到，結果喺旺角一樣塞。

姐姐：旺角暫時唔算好塞喎，如果我地.....

媽媽：如果你地跟我定嘅時間出發，早就會避開個撞車。

爸爸：都冇人話係撞車，或者係多人啫。

姐姐：我地早出門口都唔一定會避開意外，我地都可能喺撞車嘅後面。

姐姐：我地應該慶幸未出門口，如果唔係.....

媽媽：根據我嘅計畫，依家已經到咗，準備搵位飲茶喇。你地係都要唔同我合作。

姐姐：我爭少少就畫完嘛，咁我聽日要交畫。

媽媽：你咁有心機畫都有用㗎，我係唔會比你讀設計。

姐姐：我第一揀 law，第二揀左會計，乜第三唔可以揀設計咩

媽媽：你估我唔知你想點咩，就算你入左設計我都唔會比你讀咯。

姐姐：但係讀書嗰個係我唔係你咯